

# **DECLARACIÓN UNIVERSAL SOBRE LOS DERECHOS DE LOS PUEBLOS INDÍGENAS**

Jiñi junmojty yumulob tyi' pejty'elel pañimil (Naciones Unidas) mi'  
Tsi'jcty'esañ junp'ejl ñuc bu ty'añ cha'añ mi' ty'ajob i wejñlel jiñi  
indigenajob.



Che'j tyi' ja'bil 1994 jiñi Junmojt yumulob tyi' pejty'elel pañimil ts'ij ty'ejmpayob i bu (Asamblea General de las Naciones Unidas) che'j tyi' bolomp'ejl ts'ijc che'j tyi' agosto (9 de agosto) ts'aj ts'ijctyesujñtyi' jiñi ñuc bu ty'añ, cha'añ jiñuch ñuc bu i q'uijñ tyi' pejtyelet pañimil cha'añ i weñlel jiñi indigenajob. (Día Internacional de los Pueblos Indígenas del Mundo). Añ c'ajbul i sujmler cha'añ tsa'j mejli ili ñuc bu juñ, cha'añ mi ty'ajob i weñlel jiñi p'ujmp'ujñobu tyi' pejtyelet pañimil, jiñi juñ, ñuc i c'ujñibal jiñuch cha'añ ma'añix mi' chujñ ujty'el jiñi tyij'clujñty'el tyi' tyoylel jiñi indigenajob. Jiñi junmojt bu jiñi yumulob tyi' pejtyelet pañimil woli i yujq'uejñob i ñuclel jiñi indigenajob, yic'oty mi' ts'ijctyesañob cha'añ yom mi' tyajob i weñlel, cha'añ ma'ñic mi' ch'ujñ chilbentyelob i lum tsa'j bu i cuybeyob jiñi i ñojtye'elob, cha'añ ma'añic mi' ch'ujñ tyajob i ts'ajlentyel baq'ui jach mi' ch'ujmtyilob, come jiñi i ñojtye'elob wen wocol tsi' i ñujsayob q'uijñ ila tyi pañimil.

Tyi' pejty'elel i ñuclel, ili ñuc bu q'uijñ tsa'j bu chajpuntyi' cha'añ i q'uijñilel jiñi indigenajob jiñuch i ty'ejchibal jiñi e'tyel. Jiñi ts'ijib bu ty'añ mi' yul cha'añ mi' ty'ajob i weñlel yic'oty cha'añ mi' lac c'ujñ bajche' yom mi' lac coltyan pejty'elel jiñi indigenajob. Jiñi ts'ijib bu juñ mi' yul cha'añ jiñi yumulob yom i mi' tyojesan majlel jiñi i lumal yic'oty cha'an mi' i yuq'uejñ i tyajob i weñlel ya' baqui mi' ch'ujmtyulob jiñi indigenajob. Añix chajc'ajl jab woli tyi' ña'jty'iñty'el, jiñi yumulob yic'oty jiñi junmojt indigenajob yom mi comob i ty'añ cha'añ mi' ty'ajob i comol weñlel cha'añ ma'añic mi' chujñ ochel wocol che'j bajche' tsa'j ujty' tyi' wajali. Yom mi' comol tyejmob i ty'añ jiñi yumulob yic'oty jiñi indigenajob cha'añ mi' q'uejlob tyi' ñuc jiñi tsi'jib bu ty'añ tsa'jbu mejli cha'añ mi' mejlel tyi' c'ujñel cha'añ mi' i tyajob i weñlel jiñi indigenajob tyi' pejty'elel pañimil.

Che'j tyi' jiñi jo'jbaj'c yic'oty i waxucp'ejl jab (2008) jiñuch i ja'bilel jiñi pejty'elel mu' bu i chajleñob yan ty'ac bu ty'añ, Ili ñuc bu q'uijñ, jiñuch cha'añ mi' lac c'ujñ bajchej yilal mi' ñujjsañob q'uijñ jiñi indigenajob tyi' pejty'elel pañimil, yic'oty cha'añ mi' lac q'uejl tyi' ñuc pejty'elel jiñi i wocol tyi' jujumpejl q'uijñ, yic'oty bajche woli i sajtyel majlel i ty'añ tyi' pejty'elelob. Jiñi i ty'añob wolix i q'uejxty'uel majlel tyi' jujumpejl q'uijñ, che'j ja'el wolix i sajtyel majlel jiñi ñuclelob i ña'jtyibal. Jiñi cha'añ mic' sujbeñob pejty'elel jiñi yumulob tyi' pañimil, yic'oty indigenajob, ba mi' ty'ejmpañob i bu pejty'elel yumulob tyi' pañimil yic'oty pejty'elel mu' bu i chajleñob jiñi e'tyel cha'añ i wejñlel jiñi p'ujmjp'ujñob bu tyi' pañimil cha'añ yom mi' lac coltyañob cha'añ ma'añic mi' sajtyel jiñi i ty'añob pejty'elel yujilob bu ty'añ tyi' chajp, yom mi' lac c'ujñty'añ ili ñuclel lac lumal cha'añ mi' mejlel i coltyañob i bu jiñi xwi'il colelob tyi' pejty'elel ora.

Ban Ki-moon, Secretario de las Naciones Unidas  
Jiñuch tsa'j bu i yulu che tyi Q'uijñilel i ñuclel pejtyelet jiñi indigenajob tyi' pañimil,  
Jo'jbaj'c yic'oty i waxucp'ejl jab (2008)  
(1)

I ty'ejchibal

Jiñi ts'ijib bu ty'añ tsa'j bu i yulu jiñi junmojt yumulob tyi' pañimil (Naciones Unidas) cha'añ mi' tyajob i weñlel jiñi indigenajob jiñuch i wujt jiñi cajbul e'tyel yic'oty comol ty'añ, jiñi ty'ejmpajbuj tsa'j ty'ecli che'j tyi' lujump'ejl y chuñc'al jab, jiñi subcomisión mu' bu i cujñty'añ jiñi mu' bu i ts'ajlenty'elob mach bu oñobic ila tyi' pañimil, jiñi Consejo Económico y social jiñi ñuc bu i ye'jty'el ya' baqui mi' ty'ejmpañob i bu jiñi junmojt yumulob tyi' pañimil Organización de las Naciones Unidas (ONU) tsij' meleyob jujñp'ejl ñuc bu juñ cha'añ mi' q'uejlel bajche' añob i cujxt'ulel jiñi indigenajob tyi' pejty'elel pañimil.

Tyi' yujty'ibal jiñi e'tyel cuñjibil bu che'j bajche' Martinez Cobo tsa'j pujsele tyi' tyojlel jiñi Subcomisión che'j tyi' 1981 yic'oty tyi' 1984, tsa'j ña'jty'untiyi cha'añ yom mi' "ty'ejchel jump'ejl e'tyel tyi' tojlel jiñi indigenajob" tsaj' wajchocontiyob jiñi añob bu i ña'jtyibal, che'j tyi' 1982 tsij' meleyob i yejtyel che'j bajche' órgano subsidiaria. Che'j tyi' 1985, ili añob bu i ña'jtyibal tsij' ty'echeyob i ts'ijbañob ñuc bu juñ, che'j tyi' yujty'ibal i ts'ijbuñtyel juñ, ts'ij ch'ujmuyob tyi' weñta jiñi subcomisión che'j tyi' 1994 tyi' tojlel jiñi Comisión de Derechos Humanos (ONU).

Tsaj' tyo ñumi jujmp'ejl jab, jiñi comisión chej' bajche' mi' yul ya tyi' párrafo (5) tsaj' ts'ijcty'esujñtyi' tyi' juñ 49/214 tyi' tyojlel jiñi Asamblea General, chej' tyi' junc'ajl i yujxpejl ts'ijc chej' tyi' diciembre chej' tyi' 1994 tsaj' ts'ijcty'esujñtyi' cha'añ mi' ty'ejchel jiñi e'tyel yic'oty cha'añ mi' weñ ña'jty'untiyel bajche' yom mi' ty'ajob i weñlel jiñi indigenajob, tsaj' tejchi' jiñi e'tyel ya tyi' juñ tsaj' bu i mele' jiñi subcomisión, tsij' ty'ejmpayob pejty'elel jiñi ty'añ melbil bu tyi' tsij' bu juñ, chej' tyi' ty'ejchibal tsaj' tsi'jctyesujñtyi tyi' tyojlel jiñi Naciones Unidas jiñi wajchocobilob bu tyi' tyojlel jiñi indigenajob tsaj' sujclubentyiyob i c'aba' chej' bajche' "Conclave Indígena"

Chej' tyi' junlujump'ejl ty'ejmpaj bu jiñi wajchocojibilob bu, tsaj' ujtyi' i melob jiñi juñ chej' tyi' jo'baj'c i wujcp'ejl jab (2006), tyi' jiñi jach bu ja'jbil tsaj' pujsele ya tyi' Consejo de derechos Humanos, chej' bu tsi' ty'ejmpayob i bu, tsij' ch'ujmuyob tyi' ñuc ili juñ chej' bajche' 2006/2, chej' tyi' junc'ajl i bolomp'ejl tsi'c chej' tyi' junio chej' tyi' jo'baj'c i wujcp'ejl jab (29 de junio 2006), tsaj' chaj' ch'oqqui majlel tyi' tyojlel jiñi Asamblea General de Naciones Unidas cha'añ ch'ujmbilix tyi' ñuc jiñi juñ.

Mi' lac q'uejl, tsaj' ñumi junc'ajl jab cha'añ tsaj' mejli ili ñuc bu juñ, chej' tyi' uxlujump'ejl septiembre chej' tyi' jo'baj'c i wucp'ejl jab (2007) jiñi Asamblea General de las Naciones Unidas chej' tyi' jump'ejl i yujxc'ajl tyejmpa bu, tsij' ch'ujmuyob tyi' ñuc ili juñ baq'ui mi' ty'ajob i weñlel jiñi indigenajob tyi' pejty'elel pañimil.

Jiñi Méjico tsij' xch'umuj tyi' ñuc ili juñ tsaj' bu i chajpa jiñi junmojt yumulob (Asamblea General), chej' tyi' 1985 tsij' ty'echej i chajpañob i weñlel jiñi pu'mjp'uñobu chujmulob bu tyi' pejty'elel pañimil.

Jiñi tsi'jib bu ty'añ chucbil tyi' jump'ejl organismo ñuc bu i c'ujñibal (ONU) ili yumuntyel jiñuch mu' bu i yu'c tyi' colel jiñi i weñlel pejty'elel jiñi tyoj bu yom melol tyi' tyojlel jiñi indigenajob.

Jiñi tsi'jib bu ty'añ jiñuch i x'ic'ol jiñi yumulob cha'añ yom mi' ts'ujctyesañob chuqui ts'ijbibil tyi' juñ.

Jiñi cha'añ, jiñi ñuc bu juñ tsaj' bu i mele jiñi junmojty yumulob (Naciones Unidas) jiñuch cha'añ mi' yujq'uejl tyi' cujñel tyi' tojlelob jiñi indigenajob cha'añ mi' mejlel i coltyañob i bu yic'oty cha'añ yom wen bu meloñel tyi' tyojlel jiñi indigenajob tyi' pejty'elel pañimil.

Cha'añ mi' yujtyel jiñi tyoj bu meloñel, jiñuch yom mi' ts'ujctyesujñtyel che bajche' ts'ijbibil i cha'añob pejty'elel jiñi yumulob tyi' pañimil.

Tyi' lac lumal Méjico chej' bajche' mi' lac q'uejl tyi' tyojlel jiñi Comisión Nacional para el Desarrollo de los Pueblos Indígena (CDI) tsa'ix i yulu cha'añ mi' ts'ujctyesan chuqui ts'ijbibil i cha'añ jiñi ñucob bu i y'ejtyel ya tyi' Naciones Unidas, cha'añ mi' yujtyel wen bu melonel yic'oty cha'añ mi' yujq'uel tyi' cujñel jiñi ts'ijbibil bu tyi' ñuc bu juñ. Tsa'ix ts'ijbuntyi tyi' juñ chej' tyi' uxlujump'ejl tsi'c tyi' septiembre chej' tyi' jo'c'ajl yic'oty i wucp'ejl ja'b (2007).

Jiñi cha'añ jiñi yumul ila tyi' Méjico mi' ts'ijctyesan cha'añ mi' ja'c jiñi ty'añ tsaj' bu mejli tyi' tyojlel jiñi yumulob tyi' pejty'elel pañimil cha'añ mi' caj' i tyajob i wenlelob jiñi indigenajob.

Luis H. Álvarez Álvarez  
Director General de la  
Comisión Nacional para el Desarrollo de los Pueblos indígenas

### **Uxc'ajl, ñaxam bu ty'ejmpabu**

Uxc'ajl yic'oty i waxujcp'ejl chuqui mi' ña'jtyuntyel.

**I ts'ibuntyel cha'añ mi ja'q'uejl jiñi comol ty'añ tsaj' bu i mele jiñi colem ty'ejmpajbu.**

[Maxto añic i cuñjbal jiñi Ña'al bu Comisión (A/61/L.67 y Add.1)]

**61/295. Jiñi junmojty yumulob tyi' pejty'elel pañimil (Naciones Unidas) mi' Ts'i'jcty'esañ junp'ejl ñuc bu ty'añ cha'añ mi' ty'ajob i wejñlel jiñi indigenajob.**

Jiñi ñuc bu ty'ejmpaj bu yumulob. (Asamblea General)

Chej' mi' lac q'uejl jiñi ty'añ ts'ibubil bu ya tyi' ½ tyi' tojlel jiñi Consejo de Derechos Humanos, chej' tyi' junc'ajl i bolomp'ejl junio chej' tyi' jo'baj'c yic'oty i wujcp'ejl jab (2006), jiñi Consejo ts'i' ts'i'jcty'esa cha'añ añuch jiñi ñuc bu juñ cha'añ mi' tyajob i weñlel tyi' pejty'elel i tyejclum jiñi indigenajob.

Chej' mi' lac ñajty'añ ba ora tsaj' ts'ibuntyi 61/178, chej' tyi' junc'ajl diciembre tyi' jo'baj'c yic'oty i wujcp'ejl jab (2006), tsaj' ña'jtyuntyi cha'añ mi' ñajt an majlel, jiñi i ña'jtyuntyel chej' bajche' yom mi' i comol mejlel jiñi ty'añ cha'añ mi' ty'ajob i weñlel jiñi p'ujmp'uñob bu. Chej' ja'el tsaj' ña'jtyunty mi' yujtyel jiñi e'tyel chej' maxtyo añic tsaj' ujtyi jiñi uxc'ajl tyejmpabu,

Jiñi junmojty yumulob tyi' pañimil (Naciones Unidas) mi' ch'ujm tyi' weñta cha'añ mi' jaq'uejl yic'oty cha'añ mi' ts'i'jcty'esan jiñi ñuc bu ty'añ, cha'añ mi' tyajob i weñlel pejty'elel jiñi indigenajob tyi' pañimil.

Wucp'ejl i joc'ajl tyejmpabu

Uxlujump'ejl ts'i'jc chej' tyi septiembre chej' tyi jo'baj'c yic'oty i wucp'ejl jab (2007).

### **I Ty'ajm'esuñty'el (Anexo)**

**Jiñi ts'ijib bu ty'añ ts'aj bu i ts'ijctyes a jiñi junmojty yumulob tyi' pejty'elel pañimil (Naciones Unidas) cha'añ mi yujty'el tyoj bu meloñel tyi' tyojlel pejty'elel indígenajob.**

Jiñi ñuc bu i ty'ejmpaj bu yumulob, (Asamblea General)

Chej' bajche' yom mi' c'ujñel jiñi juñ tsaj' bu ña'jtyuñtyi tyi' tyojlel jiñi ñuc bu tyejmpaj bu yumulob yic'ot cha'an yom mi' ja'q'uejl chuqui ts'ibubil, Mi' ts'ijctyesujñtyel cha'añ pejtyelel i tyejclum jiñi indígenajob junlajalob mi' q'uejlel tyi' tyojlel jiñi yumulob yic'oty cha'añ mi' ts'ibuntyel tyi' juñ i ñuclel i melbalob, cha'añ yom mi' yujtyel weñ bu meloñel tyi' tyojlelob yic'oty cha'añ mi' chu'jmel tyi' ñuc chej' bajche' mi' ñusañob q'uijñ tyi' jujunchajp tyejclum.

Mi' ts'i'jctyesujñtyel cha'añ pejtyelel jiñi indigenajob yom mi' chajleñob e'tyel cha'añ mi' pujsob i ña'jyibal cha'añ mi' mejlel i cuñtyesañ yañob bu tyejclum yic'oty mi' q'uejlel tyi' ñuc jiñi ña'jtyibal cha'añ cujxul mi' yajñel tyi' pejtyelel ora,

(4)

Mi' ts'i'jctyesujñtyel cha'añ baq'ui jach mi' tyajob i cujñtyesuntyel yic'oty i chajpujñtyel chuq'ui yom melol cha'añ mi' coltyañoñ i bu yic'oty chej' bajche' mi' mejlel i sublob i ñuclel yic'oty chej' bajche' an i cujxtyulel i ñojtye'elob, chej' bajche añañ i ñopbal jiñi indigenajob, mach yomic mi' tyajob i ts'ajleñtyel tyl' tyoñlel yambu lac piulob mach bu lajalic i ña'jtyibal, jiñi yumulob tyl' mi' cajel tyl' meloñel, mi' yuq'uejñ i tyl' i mul jiñi joñtyol bu ña'jtyibalul.

Mi' ch'aj ts'i'jctyesujñtyel, chej' bajche' mi' ñajtyañoñ cha'añ mi' tyajob i weñlel jiñi indigenajob, yom mi' bajñel chajpañoñ i bu mach yomic mi' yochel jiñi mu bu i tyl' i ña'jtyibalul.

Xch'ijiyem chej' bajche tsij' yuj'biyob wocol jiñi indigenajob c'ujlul tyl' tyoñlel i ñojtye'elob chej' baq'ui ora tsaj' juli tyilel jiñi susuc wiñicob tsij' chilbe i lum baqui mi' chajleñob e'tyel jiñi indigenajob, mi' lac q'uejl ma'añic mi' tyajob i weñlel tyl' lumal p'ujimp'ujn i cujxtyulel tyl' jujuntyiquilob,

Jiñi cha'añ yomix mi' q'uejlel tyl' ñuc yic'oty mi' yujq'uejl tyl' cujñel i ña'jtyibal chej' bajche' mi' chajpañoñ i weñlel yic'oty cha'añ mi' cujñtyañoñ chuqui an i cha'añ, chej' bajche' mi' chujñ cujxtyesañoñ jiñi weñ bu i ña'jtyibal tsaj' bu i cuybe i ñojte'elob chej' bajche yom mi' chujñ cujñtyañoñ pejtyelel chuqui an tyl' lum jiñi indígenajob.

Yom mi' ts'i'jbuntyel tyl' juñ jiñi comol ty'añ cha'añ jiñi yumulob tyl' jujump'ejl pañimil mi' yuc'ob ts'i' cujñel yic'oty cha'añ mi' q'uejlel tyl' ñuc jiñi i ña'jtyibal jiñi indigenajob.

Tyijicña yom mi' lac q'uejl chej' mi' tyempañoñ i bu jiñi indigenajob cha'añ mi' tyajob i weñlel yic'oty cha'añ mi' cujñtyañoñ chuqui an i cha'añ, yaix añ i yoralel mi' yujtyel pejtyelel joñtyol bu ña'jtyibalul mach yomic mi' chujñ q'uejlel tyl' lolom i ña'jtyibal jiñi indigenajob baqui jach mi' tyejmpañob i bu.

Yom mi' chujñ cujñtyañoñ i weñlel yic'oty pejtyelel chuqui añ tyl' i lum cha'añ cujxul mi' yajñel jiñi i ña'jtyibal yic'oty cha'añ mi' chujñ a'c tyl' cujñel i ñuclel yic'oty yom bu i comol melob tyl' wi'il jiñi indígenajob.

Weñ ñuc i c'ujñibal jiñi i ña'jtyibal jiñi indígenajob yic'oty chuqui mi' melob cha'añ mi' colel i weñlel chej' bajche yom mi' cujñtyuñtyel pejtyelel chuqui an tyl' pañimil,  
Weñ ts'i'quijl i chej' bajche' mi' chajpañoñ i bu jiñi indígenajob mi' lac q'uejl chej' bajche' ts'i' comol chajpayob i bu tyl' pejtyelel pañimil cha'añ mi' tyajob i tyijicñuel baqui an jiñi tsujñsajob i cha'añ yumulob tyl' jujump'ejl tyejclum.

Wen c'ujmbil chej' bajche' mi' chajleñob cujñtyesa, tyl' bu meloñel, cha'añ i weñlel i yalobilob jiñi indigenajob, yic'oty chej' bajche' añañ i cujxtyulel i ño'jtyelob mi' chajleñob comol e'tyel cha'añ mi' tyajob i weñlel jiñix alp'ejñelob.

Yom mi' lac chujñ cujñtyañoñ jiñi ts'i'jbubil bu tyl' juñ cha'añ mi' tyajob i weñlel jiñi pejtyelel indigenajob tyl' jujump'ejl tyejclum, yic'oty mi' x'icbentyelob jiñi yumulob cha'añ mi' ts'uictyuel chuqui ña'jtyubil tyl' tyoñlel pejtyelel jiñi yumulob tyl' pañimil. (5)

Chej' ja'el pejtyelet chuqui ts'ijbubil tyi' juñ cha'añ lac comol weñlel, yom mi' chujñ' colel tyi' comol ty'añ yic'oty jiñi yumulob tyi' lac lumal cha'añ chujñ tyijicña mi' yajñelob tyi' pejtyelet jiñi indigenajob.

Jiñi c'ujñbil bu ya tyi' juñ tsaj' bu i ts'ibaj jiñi junmojty yumulob tyi' pañimil (Naciones Unidas) yic'oty ts'aj' bu i ts'ibayob pejtyelet yumulob tyi' pañimil cha'añ mi' ty'ajob i weñlel yic'oty cha'añ mi' c'ujñtyaño pejtyelet i ña'jtyibal, (Pacto Internacional de Derechos Economicos, Sociales y Culturales) yic'oty chej' bajche' ts'ijbubil cha'añ mi' ty'empaño i bu (Pacto Internacional de Derechos Politicos), yic'oty i ts'ictyesuñtyel chuqui ña'jtyibil cha'añ mi' mejlel ts'aj bu ujtyi tyi' Viena, Mi' ts'ijctyesuñtyel cha'añ weñ ñuc i c'ujñbal jiñi mu' bu i bajñel chajpaño jujumpejl tyejclum indigenajob cha'añ mi' mejlel i c'ajtyiño tyi' tyojelel yumulob jiñi i coltyeñtyel cha'añ mi' tyajob jiñi i weñlelob yic'oty tyoj bu i ña'jtyibal.

Ma'añic mi' mejlel tyi' muctuyuel chuqui albil, come che'uch ts'ijbubil tyi' juñ cha'añ jiñi indigenajob mi' mejlel i bajñel ña'jtyaño chej' bajche yom mi' ty'ajob i weñlel. Come ts'ijbubil i cha'añ jiñi yumulob tyi' pejtyelet pañimil.

Jiñi i weñlel i ña'jtyibal jiñi indigenajob c'ujñbil come che'uch tsijbubil tyi juñ, cha'añ yom mi' tyajob i tyijicñuel yic'oty cha'añ mi' comol melob jiñi ty'an yic'oty jiñi yumulob, cha'añ tyoj bu meloñel, chej' ja'el cha'an mi' laj ty'ajob i c'uxbityel yic'oty i weñlelob.

Jiñi cha'añ mi' xi'jcbytelyob jiñi yumulob tyi' jujump'ejl tyejclum cha'añ yom mi' ts'ujctyesañob chuqui albil tyi' tyojelel jiñi yumulob tyi' pejtyelet pañimil, cha'añ yom mi' q'uejlel tyi' ñuc jiñi i ña'jtyibal indigenajob-

Jiñi cha'añ pejtyelet ña'jtyibil bu tyi' tyojelel jiñi junmojty yumulob tyi' pejtyelet pañimil (Naciones Unidas) yom mi' chujñ' a'c tyi' cujñel yic'oty mi' xi'jcbeño pejtyelet yumulob cha'añ mi' cujñtyuñtyel i ñuclel jiñi i ña'jtyibal jiñi indigenajob.

Jiñi ty'añ tsaj' bu tsij'buntyi jiñuch i tyejchibal cha'añ mi' cujñel yic'oty cha'añ mi' chujñ' cujñtyuñtyel i weñlel jiñi indigenajob jiñuch tsaj' bu i ch'ajpayob jiñi yumulob tyi' pejtyelet pañimil.

Pejty'elet jiñi indigenajob mach yomic mi' tyajob i ts'ajlentyel, yom comol mi' chujñ ajñelob tyi' pejtyelet ora, come c'ujñbil i ñuclel i yom chujñ cujxul mi' yajñel i ña'jtyibalob cha'añ uts'at mi' yajñelob.

Jiñi indigenajob chumulob bu tyi' chajp bu tyejclum, mach juñlajalic mi' tyajob i weñlel, come an tyi' chajp chej' bajche añ i ña'jtyibalob tsaj' bu i cuybe i ño'jtyelob.

Jiñi junmojty yumulob tyi' pejty'elel pañimil ts'ij ts'ijctyesayob jiñi ñuc bu ty'añ cha'añ i weñlel pejtyelet jiñi indigenajob, jiñi ty'añ mi' yul chej' 'bajche' iliyi: cha'añ yom comol mi' yajñelob yic'oty cha'añ mi' lac chujñ q'uel tyi' ñuc lac bu.

### **Ñaxañ bu ty'añ:**

Pejty'elel i tyejclum jiñi indigenajob yom mi' ty'ajob i weñlel yic'oty i tyijicñuyel tyi' jujuñtyiq'uil yic'oty tyi' jujuñp'ejl tyejclum, mi' mejlel i bajñel chajpañob chej' bajche' mi' mulañob chumtyil, come chej' u'ch c'ujñbil yic'oty ts'ijbubil tyi' ñuc bu juñ ts'aj bu i ña'jty'ayob jiñi ñuc bu yumulob tyi' pejty'elel pañimil.

### **I cha'jp'ejlel ty'añ:**

Jiñi tyejclum yic'oty jujuñtyiq'uil indigenajob mi' mejlel i bajñel chajpañob chej' bajche' mi' mulañob chujmtyil tyi' jujuñp'ejl tyejclum ty'ac yic'oty jnlajalob mi' q'uelelob tyi' pejtyeletlob, mach yomic mi' tyajob i ts'ajlentyel come ch'ej 'uch mi chujñ q'uelob tyi' ñuc i ño'jty'e'elob.

### **I yuxp'ejlel ty'añ:**

Jiñi tyejclum indigenajob mi' mejlel i bajñel chajpañob chej' bajche yom mi' c'ujñtyuñtyel pejtyelet chuqui añ i cha'añ yic'oty cha'añ mi' tyajob i colel tyi' ña'jtyibal ts'aj bu i mele i ño'jty'e'elob.

### **I chujmp'ejlel ty'añ:**

Jiñi ty'ejclum indigenajob chej' bajche mi' mejlel i ña'jtyañob i wenlelob, mi' mejlel i bajñel w'ajchocoñob i yum, cha'añ mi' c'ujñtyan i lumal yic'oty cha'añ bajche' mi' mejlel i ch'ajleñob jiñi ty'ojoñel.

### **I jo'p'ejlel ty'añ:**

Jiñi indigenajob mi' mejlel i ch'ujñ c'ujñtyañob i ña'jtyibal i ño'jty'e'elob, yic'oty cha'añ mi' ch'ujñ colel majlel jiñi i ñuclelob, yic'oty yom mi' melob tyoj bu meloñel cha'añ mi' ty'ajob chuq'ui yomob, yic'oty yom mi' ch'ujñ pus i ñuclel jiñi yumulob tyi' pañimil.

### **I wicp'ejlel ty'añ:**

Pejtyelet i tyejclum jiñi indigenajob yom mi' yuq'uejñtyelob baq'ui yom mi' cha'jleñob chujmtyil.

### **I wucp'ejlel ty'añ:**

- 1.- Pejty'elel i tyejclum jiñi indigenajob yom cuxul mi yajñelob, yic'oty yom mi' tyajob jiñi i c'o'clel i b'u'ctyal yic'ot i ña'jtyibal yic'ot i c'ujñtyuñtyelob.
- 2.- Pejty'elel tyejclum jiñi indigenajob yom mi' ch'ujñ chajleñob jiñi comol e'tyel, cha'añ tyijicña mi yajñelob, cha'añ ma'añic mi' tyajob i ts'ajlentyelob, ma'añic mi' ts'ujñsuñtyelob, yic'oty cha'añ ma'añic mi' p'ujq'uejl alulob baqui jach añ jiñi woc'ol.

### **I waxucp'ejlel ty'añ:**

- 1.- Jiñi tyejclum yic'oty jiñi jujuñtyiquil indigenajob ma'añic mi' lajiñtyelob yic'oty cha'añ ma'añic mi' jisujñtyel i ña'jtyibalob.
- 2.- Jiñi yumulob tyi' pañimil tsi' wa'jchocoyob juñp'ejl e'tyel yic'oty i ty'añ cha'añ mi' c'ujñtyañob yic'oty cha'añ mi' tyojbeñob jiñi indigenajob che'j bajche' iliyi:
  - a) Pejty'elel chuq'ui mi' yujtyel tyi' tyojlel jiñi indigenajob, mi' ts'ajlentyel che'j bajche mi' chajpañob i weñlel o cha'añ mi' chujñ mel ts'aj bu i ñop be i ño'jtye'elob.
  - b) Pejty'elel chuq'ui mi' yujtyel tyi' tyojlel jiñi indigenajob, che'j bajche chil lum o chuq'ui jach mi' xu'jch'ibentyelob tyi' lumal.
  - c) Che'j an chuq'ui mi' sajtyel, x'ujchiñtyel chibeñtyel jiñi' tyejclum indigenajob.
  - d) Che'j mi' x'icbeñtyelob mi' ñop yambu ña'jtyibalul.
  - e) Pejty'elel joñtyol bu ty'añ mu'j bu i tyech ts'ajleya tyi tyojlel indigenajob.

### **I bolomp'ejlel ty'añ:**

Pejty'elel i tyejclum jiñi indigenajob mi' mejlel i tyajob i chu'jmlib tyi' jump'ejl tyejclum, mi' mejlel i ch'ujñ melob i ña'jtyibal i ñojtyeleob cha'añ i weñlelob. Mach yomic mi' tyajob i ts'ajleñtyelob.

### **I lujump'ejlel ty'añ:**

Pejty'elel i tyejclum jiñi indigenajob ma'añic mi' mejlel tyi' ch'ojquejlob loq'uejl tyi' lum che' mach che'ic yomob, ma'añic mi' mejlel tyi' wejts'ejlob majlel che' ma'añic i c'ujñbal, yom yujilob chuq'ui mi' yujtyel tyi' tyojlelob, yom mi' comol ña'jtyaño cha'añ mi' tyojbeñtyelob chuq'ui añaob i cha'añ yic'oty yom mi' yujtyel weñ bu meloñel cha'añ mi' cha'j sujtyelob tyi' lumal.

### **Junlujump'ejl ty'añ:**

- 1.- Pejty'elel i tyejclum jiñi indigenajob mi' mejlel i ch'ujñ melob jiñi ts'aj bu i meleyob i ño'jtye'elob cha'añ mi' cujxtyejsañob i ña'jtyibal, cha'añ cuxul mi yajñel yic'oty cha'añ mi colel jiñi i ña'jtyibalob i ñ'ojojtye'elob, che'j bajche' mi' lac q'uejl jiñi ts'aj bu i meleyob, ts'ij ts'ajquiyob i yoty'oty, ts'ij meleyob ch'ejew, q'uiñijel yic'oty son, ts'ij meleyob i yejty'al wiñic yic'oty aluc'ul ty'ac, ts'ij weñ q'ueleyob che'j woli tyl' ñac jiñi uw, yic'oty pejty'elel chuqui añ tyi' pañimil.
- 2.- Jiñi yumulob mi' chajpañob che'j bajche' mi' i chaj sujtq'uijbeñob jiñi ts'aj i sujch'ijbeyob jiñi indigenajob yic'oty cha'añ mi' sujclu'beñ i comol weñlelob, cha'añ mi' ch'ujñ colel i ña'jtyibalob, che'j bajche' ts'ij chajleyob ch'ujuty'esaya cha'añ mi' tyajob i ch'ejlelob. Yom mi' ts'ictyesujbeñtyelob chuq'ui mi' chajpañob jiñi yumulob cha'añ ma'añic mi' yochel jiñi wocol tyi' tyojlel jiñi indigenajob.

### **Ch'aj Iujump'ejl ty'añ:**

- 1.- Pejty'elel i tyejclum jiñi indigenajob mi' mejlel i ts'ictyesañob, melob, p'ujosob jiñi ñuc bu i ña'jtyibalob, che'j bajche' tsij' chajleyob q'uiñijel cha'añ mi' i ty'ajob i ch'ejlel, yom mi' ch'ujñ c'ujñty'añob baqui mi' chajleñob ch'ujutyesaya, yic'oty yom mi' sujtq'uibeñtyelob i buq'uejl jiñi i ño'jtye'elob ts'aix bu chujmiyob.
- 2.- Jiñi yumulob yom mi' yuc'ob i ty'an tyi' ts'ijquijl yic'oty mi' comol ña'jty'añob che'j bajche' mi' chaj' sujtq'uijbeñtyejlob jiñi ts'aj bu xujch'ibeñtyiyob jiñi indigenajob, ya' baqui tsi'j chajleñob ch'ujutyesaya yic'oty i buq'uejl jiñi i ño'jtye'elob ts'aix bu chu'jmiyob.

### **Uxlujump'ejl ty'añ:**

- 1.- Pejty'elel i tyejclum jiñi indigenajob mi' mejlel i c'ujñ, yic'oty cha'añ mi' cuxtyesañ yic'oty cha'añ mi' ch'ujñ pusbeñob i ña'jtyibal i ño'jtye'elob tyi' tyojlel jiñi xwi'il colelob, cha'añ mi' c'ujñob bajche' ch'ujñ cuxul i ty'añ, i ña'jtyibal, che'j bajche' ts'i chajleyob ts'ib, yic'oty che'j bajche' ts'ij ts'ijbuyob i ña'jtyibal tyi' xajlel, yom mi' ch'ujñ c'ujñtyañob i c'aba'j i lumal baqui mi' chajleñob chujmjtyil.
- 2.- Jiñi yumulob mi' ch'umob tyi' ñuc yic'oty mi' c'ujñty'an pejty'elel mu' bu i chajpañob jiñi indigenajob che'j bajche' i jac'ol weñ bu meloñel yic'oty cha'añ mi' mel chuqui yom melol tyi' i lumal jiñi p'ujmp'ujñobu cha'añ mi' ty'ajob i weñlel.

### **Chunlujump'ejl ty'añ:**

- 1.- Pejty'elel i tyejclum jiñi indigenajob mi' mejlel i wajchocoñ jiñi xpus juñob cha'añ mi' mejlel i chajleñob c'ujñtyesa che'j bajche' mi' mulañ tyi' ty'añ cha'añ mi' tyajob i tyijicñuyel tyi' ñop juñ.
- 2.- Jiñi indigenajob, che'j bajche' mi' lac q'uejl jiñi alulob, mi' mejlelob tyi' ochel tyi' ñop juñ baqui chajp'ujbil i cha'añ jiñi yumul, ma'añic mi' tyajob i wajleñtyelob.
- 3.- Jiñi yumulob yic'oty indigenajob mi' comol ña'jtyañob, cha'añ pejty'elel jiñi alulob mi' mejlelob tyi' ochel tyi' ñop juñ, che'j bajche' mi' chajleñob ty'añ.

### **Jo'jilujump'ejl ty'añ:**

- 1.- Pejty'elel i tyejclum jiñi indigenajob yom mi' q'uejlelob tyi' ñuc, tyi chajp tyi' chajp bu i ña'jtyibal, yom mi' ts'ijbuñtyel i ña'jtyibalob ya' baqui mi' chajpañob jiñi yumulob che'j bajchej mi' p'ujosob juñ tyi' tyojlel lac lumal, yic'oty yom mi' yuj'uejl tyi' c'ujñel i ñuclelob tyi' tyojlel lac lumal.
- 2.- Jiñi yumulob mi' chajpañob tyi' weñ, jiñi ty'empabu tyi' tyojlel jiñi indigenajob, cha'añ mi' comol ña'jtyañob che'j bajchej yom mi' jisuñty'el jiñi joñtyol bu ña'jtyibalul, yom mi' lac comol q'uejl tyi' ñuc che'j bajchej añ i cuxtylel pejty'elel jiñi indigenajob.

**Wi'clujump'ejl ty'añ:**

- 1.- Pejty'elel i tyejclum jiñi indigenajob mi'j mejlel i cha'jpañob che'j bajche' mi' mejlel i yuc'obj tyi' c'ujñel i ty'añob, mi' mejlel i ts'ictyesañob tyi' caxlañ ty'añ yom mi' tyajob i coltyuñtel.
- 2.- Jiñi yumulob mi' mejlel i ts'ictyesañob tyi' tyoylel lac lumal, che'j bajche' añ tyi' chajp tyi' chajp jiñi i ña'jtyibalob jiñi indigenajob. Jiñi yumulob mach yomic mi' ty'ojax i ña'jtyibal jiñi p'ujimp'ujñob bu, yom mi' x'icbeñ tyi' pejty'elelob jiñi mu' bu i ts'i'ctyesañob chuqui mi' yujtyel tyi' tyoylelob jiñi tyi' chajp bu ña'jtyibalul.

**Wuclujump'ejl ty'añ:**

- 1.- Tyi' jujuñtyiquil yic'oty tyi' jujump'ejl i tyejclum indigenajob yom mi' ty'ajob i tyijicñuyel come mi' q'uejlelob tyi' ñuc, baqui jach mi' majlelb tyi' e'tyel tyi' tyoylel lac lumal yic'ot tyi' yañ ty'ac bu pañimil.
- 2.- Jiñi yumulob yic'oty jiñi indigenajob mi' comol ña'jty'añob che'j bajche' mi' ty'ajob i coltyujñtel jiñi alulob cha'añ ma'añic mi' tyi'clujñtyelob tyi' majty'an e'tyel, yic'ot tyi' tyoylel jiñi b'uqb'ujq'uejñ bu e'tyel, yic'oty mu'j bu i tyi'claben i b'uc'tyal, mu'j bu i ty'iclaben i ña'jtyibal, yom mi ty'ajob i c'ujñtyesuñtyel cha'añ mi' tyajob i weñlel ch'ej mi colelob.
- 3.- Tyi' jujuñtyiquil jiñi indigenajob mach yomic mi' tyi'cluñtyelob tyi' ts'uts bu e'tyel, mach yomic mi' tyajob i ts'ajleñtyelob yom weñ mi' tyoptyulob cha'añ mi' tyajob i weñlel.

**Waxuclujump'ejl ty'añ:**

Pejty'elel i tyejclum jiñi indigenajob mi' mejlel i chajpañob i bu cha'añ mi' waj'chocoñob jiñi i yaj'e'tyelob che'j bajche' mi' ña'jty'añob cha'añ mi' ty'ajob yic'oty che'j bajche' mi' ch'uñty'ajob i weñlel tyi' jujunty'iquil.

**Bolonlujump'ejl ty'añ:**

Jiñi yumulob yic'oty jiñi wajchocojbilob bu i cha'añ jiñi indigenajob mi' comol chajpañob tyi' i tyijicñuyel, che'j bajche' mi' mejlel i ch'ajleñob jiñi meloñel cha'añ ma'añic mi' tyejchel wocol yic'oty cha'añ uts'at mi' ch'uñajñelob.

**Juñc'al ty'añ:**

- 1.- Pejty'elel i tyejclum jiñi indigenajob mi' mejlel i wajchocoñ che'j bajche' mi' mejlelob tyi' colel i lumal, yic'oty che'j bajche' mi' mejlel i c'ujñob i ña'jtyibal cha'añ mi comol ty'ajob i tyijicñuyel cha'añ chujñ cuxul mi' yajñelob tyi' pejty'elel chuqui mi' chajpañob.
- 2.- Pejty'elel i tyejclum jiñi indigenajob mach bu añic i ch'uñbu añ i cha'añ, yom mi' yujtyel meloñel tyi' tyoylelob cha'añ mi' mejlel i ty'ajob i weñlel tyi' junlajal.

**Juñc'ajl i junp'ejl ty'añ:**

- 1.- Pejty'elel i tyejclum jiñi indigenajob mi' mejlel i ty'ajob i weñlel che'j bajche' yom mi' chajleñob chujmtyil, e'tyel, che'j bajche' jiñi ñop juñ, yom mi' ty'ajob jiñi ts'ijib bu i c'ujñtyesuñtyelob che'j bajche' yom mi' chajleñob e'tyel, yom mi' ty'ajob wen bu i yoty'oty yic'ot i ts'ujcujñtyel cha'añ mi tyajob i c'o'clelob.
- 2.- Jiñi yumulob mi' cha'jpañ jiñi ts'ijib bu i ña'jtyibal cha'añ mi' yuq'uejn jiñi indigenajob i weñlel yic'ot chuq'ui yom jiñi lac tatuchob, jiñi x'ixic'ob, jiñi ch'ijty'oñ wiñicob, jiñi alulob yic'ot jiñi mach bu ts'ujculic i yoc i c'ub.

**Juñc'ajl i cha'jp'ejl ty'añ:**

- 1.- Mi' weñ q'uejlel majlel che'j bajche' yom mi' ts'ujctuyuel jiñi ñuc bu ty'añ albil bu cha'añ mi' ty'ajob i weñlel tyl' tyojelelob jiñi lac tatuchob, jiñi x'ixic'ob, jiñi ch'ijty'oñ wiñic'ob, jiñi alulob yic'ot jiñi mach bu weñic i yoc i c'u'bob.
- 2.- Jiñi yumulob mi' comol chajpañob yic'oty jiñi indigenajob che'j bajche' mi' mejlel i ty'ajob i weñlel jiñi x'ixicob yic'ot jiñi alulob cha'añ ma'añic mi' tyajob i ts'ajlenty'el yic'ot cha'añ ma'añic mi' jats'ejlob, yom ty'ijicña mi' yajñelob.

**Juñc'ajl i yuxp'ejl ty'añ:**

Jiñi indigenajob mi' mejlel i chajpañob chuqui ñaxañ yom melol tyl' lumal yic'oty bajche' mi' melob cha'añ weñ añ i lumal. Che'j bajche' mi' mejlel i ña'jty'añob che'j bajche' yom mi' ty'ajob i ts'ujcujñtyelob tyl' tyojelel yumulob, yic'oty che'j bajche' mi' mejlel i chajpañob che'j bajche' yom mi' melbeñty'elob i yoty'oty, yic'oty che'j bajche' mi' mejlel i ty'ajob i coltyujñty'el tyl' tyojelel jiñi yumulob cha'añ weñ mi' ch'ujmtyulob yic'oty cha'añ tyijicña mi' yajñelob.

**Juñc'ajl i ch'uñp'ejl ty'añ:**

- 1.- Pejty'elel i tyejclum jiñi indigenajob mi' mejlel i chajpañob i bu cha'añ mi' ts'ujcañob i bu tyl' yopol yic'oty tyl' wui'c ty'e, yic'oty mi' mejlel i c'ujñ i ts'ujcajñ i bu tyl' aluc'ul, yic'oty tyl' xajlel tyl'ac cha'añ mi c'ujñty'añob i c'o'clelob, mi' mejlel i ty'ajob i ts'ujcujñtyelob tyl' tyojelel jiñi yumulob ma'añic mi' tyojojiñi i ts'ujcujñtyelob.
- 2.- Tyl' jujuntyiquil jiñi indigenajob mi' mejlel i ty'ajob i tyijicñuyel yic'oty mi' mejlel ty'ajob pejty'elel i c'o'clel tyl' ña'jtyibal tyl' junlajal che'j bajche' yañob bu. Jiñi yumulob mi' cha'jpañob cha'añ che'j bajche' mi' ty'ajob i weñlel jiñi indigenajob cha'añ ma'ñic mi' ch'ujñ ty'ijclujñtyelob.

**Juñc'ajl i jop'ejl ty'añ:**

Pejty'elel i tyejclum jiñi indigenajob mi' mejlel i ch'ujñ cujñtyañob yic'oty cha'añ mi' colel jiñi i ña'jtyibalob che'j bajche' mi' ch'ujutyesañob jiñi lum, jiñi ja', yic'oty jiñi colem ñajp yic'oty pejty'elel añ bu tyl' lumalob c'ujlul tyl' ty'ojelelob i ño'jty'elob cha'añ mi' ch'ujñ c'ujñtyesañob jiñi xwi'il colelob.

### **Juñc'ajl i wujcp'ejl ty'añ:**

- 1.- Pejty'elel i tyejclum jiñi indigenajob mi' mejlel tyi' aq'uejñtyelob i lum cha'añ mi' melob i ty'ejclum yic'oty cha'añ mi'chajleñob e'tyel come i cha'añuch i ño'jtyelob.
- 2.- Pejty'elel i tyejclum jiñi indigenajob mi' mejlel i ty'ajob yic'oty cha'añ mi c'ujñob, cha'añ mi' c'ujñtyañob jiñi lum, yic'oty cha'añ mi' mejlel i muñob jiñi i lum o chuqui jach mi' ña'jtyañob i melob o chuqui mi' mulañob.
- 3.- Jiñi yumulob mi' yu'jc i ty'añ cha'añ mi' c'ujñty'añ jiñi i lum yic'oty pejty'elel chuqui añ i cha'añ jiñi indigenajob, mi' chajleñ jiñi weñ bu tyi'c'ojet yic'oty jiñi ty'oj bu meloñel. Mi' q'uejl tyi' ñuc yic'oty mi' p'ijis tyi' weñtya pejty'elel che'j bajche' mi' c'ujñty'añob i lum jiñi tyejclum indigenajob.

### **Juñc'ajl i wucp'ejl ty'añ:**

Jiñi yumulob mi' chajpañob yic'oty mi' melob che'j bajche' mi' comol ña'jty'añob yic'oty jiñi indigenajob, cha'añ junlajal mi' melob chuqui mi' ña'jtyañobh, yic'oty cha'añ mi' bajñel chajpañob i bu yic'oty tyi' ts'iquivil mi' melob chuqui mi' ña'jtyañob jiñi indigenajob, yom mi' q'uejlel tyi' ñuc pejty'elel i weñlelob yic'oty i ña'jtyibalob che'j bajche' mi' c'ujñtyañob i lum come che'uch ts'ij meleyob jiñi i ño'jty'elob. Jiñi indigenajob mi' mejlel i chajpañob che'j bajchej yom mi' ty'ajob i weñlel.

### **Juñc'ajl i waxucp'ejl ty'añ:**

- 1.- Pejty'elel i tyejclum jiñi indigenajob yom mi' cha'j sujt'q'uijbeñty'elob jiñi ts'a'j bu xuch'ibentiyob yic'oty yom mi' tyoibeñty'elob tyi' weñ jiñi i lum i cha'añob bu i ño'jty'elob, mi' lac q'uejl tyi' wajali ts'aj chilbeñtyiyob pejty'elel i lum i ño'jty'elob, ma'añic tsa'j ch'ujmliyob tyi' ñuc, ts'aj ts'ujñsujñtyiyob c'ajbul indigenajob.
- 2.- Yom tyi' tyi'jicñuyel i pusic'al mi' tyoibeñtyelob tyi' ty'aq'uiñ i lum, yic'oty i lumal jiñi indigenajob, cha'añ mi' ty'ajob i weñlel mach yomic mi' yujty'el jiñi jojñtyol bu meloñel yom mi yujtyel jiñi wen bu tyi'jc'ojet.

### **Juñc'ajl i bolomp'ejl ty'añ:**

- 1.- Pejty'elel i tyejclum jiñi indigenajob mi' mejlel i c'ujñtyañob jiñi majtye'el, jiñi colem ja' yic'oty i ch'ujñuji pañimil, yic'oty cha'añ mi' cha'jleñob p'ajc' tyi' lum. Jiñi yumulob mi' yu'c tyi' c'ujñel chuqui yom mi' mejlel tyi' tyoilel jiñi indigenajob cha'añ mi' ty'ajob i weñlel yic'oty cha'añ mi' c'ujñty'uñty'elob, cha'añ ma'añic mi' ty'ajob i ts'ajlentyel.
- 2.- Jiñi yumulob mi' chajpañob ch'ej bajche mi' coltyañob jiñi indígenajob cha'añ ma'añic mi' ty'ejmp'ujyel chuqui mach weñic ya baqui mi' chajleñob ch'ujmtyiul yic'oty baqui mi' chajleñob e'tyel, yom yujilob chuqui mi' yujtyel tyi' tyoilelob.
- 3.- Jiñi yumulob mi' chajpañob ch'ej bajche' mi' mejlel i tyajob i weñlel cha'añ mi' tyajob i c'ocel jiñi indigenajob, jiñi e'tyel mi' mejlel yic'oty cha'añ mi' yujty'el jiñi ña'jtyubilbu.

### **Lujump'ejl i chajc'ajl ty'añ:**

- 1.- Ma'añic mi' mejlel tyi' ochel jiñi soldadojob tyi' lum yic'oty tyi' tyejclum jiñi indigenajob che'j ma'ñic i c'ujñbalob yom mi' comol ña'jtyuñty'el che'j añ chuqui mi' yujtyel o mi' añ jump'ejl wocol.
- 2.- Jiñi yumulob mi' comob i ty'añ yic'oty jiñi indigenajob wajchocobil bu tyi' y'ejty'el cha'añ mi' chajpañob mi' añ chuqui yom mejlel tyi' lum o tysi' ty'ejclum cha'añ mi' yochelob tysi' e'ty'el jiñi soldadojob che'j añ wocol.

### **Junlujump'ejl i chajc'ajl ty'añ:**

- 1.- Pejty'elel jiñi tyejclum indigenajob mi' mejlel i chajpañ, c'ujñty'añ jiñi ts'aj bu meloyob i ño'jtye'elob yic'oty cha'añ mi' ch'ujñ cujxty'jesañ jiñi i ña'jtyibalob i ño'jty'e'elob, che'j bajche' ts'i'j chajpayob jiñi ts'ac, yic'oty che'j bajche' ts'i'j meleyob jiñi ts'ijcob q'uijñ, che'j bajche' ts'i'j chajleyob p'ac' tysi' lum, yom mi' ch'ujñ c'ujñob i c'aba' tysi' chajp tysi' chajp bu ty'e, yic'oty che'j bajche' ts'i'j chajleyob ts'i'jib jiñi ño'jtye'elob, che'j bajche' ts'i'j chajleyob alas, che'j bajche' ts'i'j melbeyob i yejty'al wiñic yic'oty i bul majtye'el. Yom mi' ch'ujñ melob majlel yic'oty cha'añ mi' chujñ pujsob i ñuclel i ña'jtyibalob yic'oty pejty'elel chuqui yujilob i mel cha'añ chujñ cujxul mi' yajñel i ñuclel tysi' pejty'elel ora.
- 2.- Tysi' junmojty jiñi ty'ejclum yic'oty jiñi yumulob mi' mejlel tysi' chujñ cujñtyujñty'el ili ñuc bu i ña'jtyibalob jiñi indigenajob come jiñuch i weñlel lac lumal.

### **Chajlump'ejl i chajc'ajl ty'añ:**

- 1.- Pejty'elel jiñi i tyejclum indigenajob mi' mejlel i comol ña'jty'añob chuqui ñaxañ yom melol cha'añ i weñlel i lumal, che'j bajche' yom c'ujñol jiñi lum tysi' ty'ejclum yic'oty pejtyelel chuqui añ.
- 2.- Jiñi yumulob mi' comol ña'jty'añob tysi' tyijicñuyelob yic'oty jiñi añob i yejty'el tysi' tyojlel jiñi indigenajob cha'añ mi' añ chuqui yom i mel jiñi yumul, yom mi' ñaxañ ña'jtyañob tysi' comol cha'añ ma'añic mi' ty'ejchel wocol, mi' lac q'uejl che'j mi' ña'jtyañob i comol melob jiñi e'tyel cha'añ mi' ty'ajtyul chuqui añ tysi' ja' yic'oty chuqui añ tysi' lum o chuqui jach mi' ty'ajtyul.
- 3.- Jiñi yumulob mi' chajpañ che'j bajche' yom mi' chajleñ jiñi ty'oju bu meloñel yic'oty cha'añ mi' ja'q'uejl jiñi ty'añ, cha'añ mi' cujñtyujñtyel pejty'elel chuqui añ tysi' jojty'ilel i lumal jiñi indigenajob, mi' ñu'cq'uejsujñtyel i pusic'al cha'añ chujñ much'ujlob mi' yajñelob che'j bajche' añob i ñop'bal.

### **Uxlujump'ejl i chajc'ajl ty'añ:**

- 1.- Pejty'elel jiñi i tyejclum jiñi indigenajob junp'ejl jach i ño'jtye'elob. Ma'ñic mi' sajty'el jiñi i ñuc'lelob, ma'añic mi' chojquejlob loq'uejl baqui mi' chajleñob chumjtyul, jiñi yumulob yom mi' chajleñ jiñi tyoj bu meloñel cha'añ ma'añic mi' tyejchel wocol, come ñaxañ ts'aj chumjleyob i ño'jtye'elob jiñi indigenajob ila tysi' lumal Méjico.
- 2.- Pejty'elel jiñi i tyejclum jiñi indigenajob mi' mejlel i tyejmp'añob i bu cha'añ mi' wajchocoñ jiñi i yumujñty'elob che'j bajche' mi' bajñel mulañob cha'añ i weñlelob.

**Chujmlumjup'ejl i chajc'ajl ty'añ:**

Pejty'elel jiñi i tyejclum indigenajob mi' mejlel i yuyc'ob tyi' cujñel yic'oty cha'añ mi colel jiñi i yumunty'elob, mi' mejlel i tyejmpañob i bu cha'añ mi' chujñ melob jiñi ch'ujutyesaya, che'j bajche' mi' ña'jtyañoob i mel tyi' jujunchajp ts'aj bu i ñopoyob tyi' tyoylel i ño'jtye'elob, yic'oty cha'añ mi' chajleñoob tyoj bu meloñel cha'añ mi' ja'q'uejl jiñi ty'añ chej bajche' albil yic'oty ts'aj ña'jtyiñtyi tyi' pejtyelel pañimil.

**Jo'jlumjump'éjl i chajc'ajl ty'añ:**

Pejty'elel jiñi i tyejclum indigenajob mi' mejlel i ña'jty'añoob che'j bajche' mi' x'ijcbeñob i bu tyi' jujuntiyquil cha'añ i weñlel i lumal.

**Wu'iclujump'éjl i chajc'ajl ty'añ:**

1.- Pejty'elel jiñi i tyejclum jiñi indigenajob, ya' bu chujmulob ya' baqui jaxul jiñi lum yambu pañimil, mi' mejlel i chajpañoob che'j bajche' yom mi' comol colty'añoob i bu, yic'oty che'j bajchej yom mi' melob jiñi comol e'tyel, yic'ot cha'añ mi' melob jiñi ts'aj bu meleyob i ño'jtye'elob, cha'añ mi' chujñ q'uejlelob tyi' ñuc jiñi ña'jtyibalob tyi' tyoylelob jiñi yajbu chujmulob tyi' yambu pañimil.

2.- Jiñi yumulob mi' comol ña'jtyayob yic'oty jiñi indigenajob che'j bajche' yom mi' chujñ ña'jtyuñtyel jiñi i ñuclelob jiñi pejty'elel indigenajob.

**Wuclujump'ejl i chajc'ajl ty'añ:**

1.- Pejty'elel jiñi i tyejclum jiñi indigenajob, mi' mejlel i comol ña'jtyañoob, mu' bu i chajpañoob, mu' bu i c'uchojb tyi' ty'añ, mu' bu i ts'ijbañoob tyi juñ, cha'añ yom bu mi' ch'ujñ ña'jtyuñtyel jiñi i ña'jtyibal yic'ot ñuclel jiñi ño'jtye'elob jiñi p'ujmp'ujñob bu, Jiñi yumulob yom mi' ja'c chuqui ña'jtyibil, yom mi' q'uejl tyi' ñuc jiñi ts'ijbubil i cha'añoob jiñi indigenajob.  
2.- Ma'añic mi' mejlel tyi' yajpel pejtyelel chuqui ts'ijbubil, maáñic mi' mejlel tyi' mucty'uñtyel jiñi pejty'elel ña'jtyibilbu, ts'ijbubil bu i cha'añ jiñi indigenajob come che'uch ts'ijbubil tyi' ñuc bu juñ ts'aj bu i ña'jtyayob jiñi pejty'elel yumulob tyi' pañimil.

**Waxuclujump'ejl i chajc'ajl ty'añ:**

Jiñi yumulob mi' comol melob jiñi e'tey'el yic'oty jindigenajob, yic'oty tyi' tyoylel yambu yumulob cha'añ mi' ts'ujctuyuel pejty'elel jiñi ts'aj bu i ts'ijbayob pejty'elel jiñi ñuc bu yumulob.

**Bolomlujump'ejl i chajc'ajl ty'añ:**

Pejty'elel jiñi i tyejclum jiñi indigenajob mi' mejlel i ty'ajob i coltyuñty'el tyi' ty'ajq'uin yic'oty mi' mejlel i ty'ajob i cujñty'esujñtyel tyi' e'tyel tyi tyojlel yumulob, che'j ja'el tyi' tyojlel pejty'elel jiñi yumulob tyi' pañimil.

**Chajc'ajl ty'añ:**

Pejty'elel jiñi i tyejclum jiñi indigenajob mi' mejlel i tyajob i weñlel tyi' junlajal yic'oty yom mi' yujtyel jiñi tyoj bu meloñel tyi' tyojlel jiñi yumulob, yom mi' melbeñtyelo tyi' orajach chuqui ñaj'jty'ubil, yic'ot ts'uvcujl mi' mejlel jiñi mu' bu i comol ña'jty'añob che'j añ chuqui mi yujty'el tyi' tyojlel tyi' jujuntyiquil o mi' tyi' pejty'elelob. Pejty'elel jiñi mu' bu i ña'jty'uñtyel yom mi' q'uejlel tyi' ñuc cha'añ ch'ujñ cujxul mi' yajñel pejty'elel jiñi ña'jtyibal jiñi indigenajob come che'uch ts'ijbubil tyi' tyojlel jiñi yumulob tyi' pañimil.

**Chajc'ajl i jump'ejl ty'añ:**

Jiñi jujunchajp yumulob añob c'ajbul bu i ña'jtibal jiñi mu' bu i melob i yejtyel ya baqui mi' tyejmpañob i bu jiñi junmojty bu pañimil (Naciones Unidas) yic'oty yan ty'ac bu x'ej'ty'elob tyi' jujunpe'jl pañimil cha'añ mi' ja'q'uejl jiñi ts'ijbubilbu tyi' ñuc bu juñ, yom mi' chajleñob wen bu meloñel yic'oty yom mi' ja'c'obj jiñi ty'añ cha'añ mi' colty'añob tyi' ty'aq'uijñ jiñi p'ujmp'ujñob bu yic'oty cha'añ mi' chajleñob cujñty'esa, cha'añ yom mi' ty'ajob i weñlel pejty'elel jiñi indigenajob tyi pañimil cha'añ mach chujñ p'ujmp'ujn mi' yajñelob.

**Chajc'ajl i chajp'ejl ty'añ:**

Jiñi junmojty yumulob tyi' pañimil (Naciones Unidas), yic'oty pejty'elel jujunchajp bu yambu yumulob mi' chujñ ac'obj tysi' cujñel, yic'oty cha'añ mi' chujñ x'ijcbeñ jiñi yambu yumulob cha'añ yom mi' chujñ q'uejlel tyi' ñuc jiñi ña'jtyibal yic'oty i ñuclel jiñi ño'jty'elob jiñi indigenajob come che'uch ts'ijbubil tyi' jiñi ñuc bu juñ.

**Chajc'ajl i yuxp'ejl ty'añ:**

Pejty'elel chuqui ts'ijbubil tyi' jiñi ñuc bu juñ jiñuch yom bu mi' ts'ujcty'ujyel cha'añ chujñ cujxul mi' yajñel yic'oty cha'añ mi' chujñ ja'q'uejl ili ty'añ, cha'añ mi' ty'ajob i weñlel jiñi indigenajob tyi' pejty'elel pañimil.

**Chajc'ajl i chump'ejl ty'añ:**

Pejty'elel jiñi i tyejclum jiñi indigenajob mu' bu i bajñel chajpañob cha'añ mi' ty'ajob i weñlel ts'ijbubil bu tysi' ñuc bu juñ, mi' ts'ujcty'ujyel tysi' junlajal tysi' tyojlel jiñi wiñicob x'ixicob.

**Chajc'al i jop'ejl ty'añ:**

Ma'añic mi' mejlel tysi' q'uejxty'uyel, mi' muq'uijc i mejlel tysi' yajpel chuqui tsa'j ts'ijbuñtyi tysi' jiñi ñuc bu juñ, ma'añic mi' chujñ mejlel tysi' tysi'jc'ñujñty'elob jiñi p'ujmp'ujñob bu yom chujñ cujxul mi' yajñelob tysi' pejty'elel ja'bil.

### **Chajc'ajl i wujcp'ejl ty'añ:**

- 1.- Pejty'elel chuqui melbil, Ma'añic mi' mejlel tyi' je'jmel chuqui ts'ijbubil yic'oty chuqui ña'jty'ubil tyi' jiñi ñuc bu juñ ts'aj bu i ts'ijba jiñi pejty'elel jiñi yumulob. Jiñi yumulob jiñi junmojt wiñicob o jujuntyiquil wiñicob ma'añic mi' mejlel i chajlen ts'ajleya tyi' tyoylel jiñi ñuc bu juñ tsa' bu i meleyob jiñi junmojt yumulob tyi' pañimil (Carta de las Naciones Unidas) Ma'añic mi' tyejch wocol ili juñ ts'aj bu ts'ibuntyi' tyi' ty'oylel yumulob, tyi' tyoylel junmojt tyejclum, mi' lac q'uejl jiñuch cha'añ mi' chujñ sujclujben i weñlel yic'oty cha'añ chujñ junmojt mi' yajñelob tyi' pejty'elel jiñi chumulob bu tyi' jujump'ejl ty'ejclum.
- 2.- Che'j ba ora mi' c'ujñel jiñi ts'ijbubil bu tyi' ñuc bu juñ, yom mi' p'ujsty'ul tyi' ñuc cha'añ mi' mejlel i melob chuqui mi' bajñel ña'jty'añob jiñi indigenajob. Pejty'elel chuqui mi ña'jty'uñty'el yom mi' yupty'el che'j bajche' ña'jtyubil yom mi' ja'q'uejl ili ty'añ ts'ijbubil bu cha'añ mi' ty'ajob i weñlel pejty'elel jiñi p'ujmp'ujñob bu. Pejty'elel chuqui mi' ña'jty'uñty'el cha'añ mi' q'uejxty'uyel jiñi ty'añ, mach cha'añic mi' ty'ajob i ts'ajlenty'el jiñi indigenajob, yom cha'añ mi' ty'ajob i weñlel yic'oty cha'añ mi' q'uejlel tyi' ñuc jiñi mu' bu i ña'jty'añob yic'oty cha'añ yom mi' yupty'el jiñi tyojo bu meloñel cha'añ mi' ty'ajob i tyijicñuyel pejtyelel jiñi tyejclum.
- 3.- Pejty'elel chuqui albil yic'oty chuqui ts'ijbubil tyi' jiñi ñuc bu juñ yom mi' ts'ujctyuyel che'j bajche' ña'jtyubil, yom mi' yupty'el jiñi weñ bu meloñel tyi' tyoylel yumulob, yom mi' chujñ p'ujstyul tyi' ñuc pejty'elel i ña'jtyblob jiñi indigenajob, yom mi' q'uejlelob tyi' junlajal, mach yomic mi' chujñ chojquejlob o ts'ajlenty'elob, yom mi' ty'ajob i colty'uñty'el tyi' tyoylel yumulob cha'añ mi' chujmtyulob tyi' uts'at, yic'oty cha'añ mi' chujñ ty'ajob i tyijicñuyelob tyi' pejty'elel ja'bil.

Tsi' ch'ajle ty'añ jiñi Ministra Socorro Rovirosa jiñuch aña bu y'etzel ila tysi' Méjico wajchocobil bu cha'añ mi' ch'ajlen ty'añ tysi' Organización de las Naciones Unidas (ONU) ya' tysi' Nueva York, tysi' EUA, tsi' yulu chej' bajche' yom mi' mel i y'ejtyel jiñi ñuc bu i ty'ejmpa bu jiñi junmonjty yumulob (Asamblea General de la ONU) chej' bajche' mi' mejlel Jiñi tyoj bu meloñel tysi' tyojlel i tyejclum pejty'elel indigenajob.

X'ixic ñuc bu a wejty'el.

Jiñi wajchobilob bu tysi' y'ejtyel tysi' Méjico mi' q'uejl tysi' ñuc jiñi e'tyel woli bu i mel jiñi junmojty ñuc bu yumulob, jiñuch yom bu mi' yupty'el cha'añ mi ts'ujctuyuel tysi' pejty'elel pañimil cha'añ mi' yuptyel weñ bu meloñel tysi' tyojlelob tysi' jujunp'ejl i tyejclum indigenajob.

Jiñi yumul tysi' Méjico weñ tyijicña mi' yujbin come i lumal an cajbul i tyejclum jiñi indigenajob tysi' chajp bu mi' chajleñob ty'añ yic'oty e'tyel. Mi' lac q'uejl yom ts'ujctuyuel luijunc'ajl ja'bil ili lumal M'ejico tsi' ty'ajayob i librelel cha'añ mi' bajñel wajchocoñob jiñi yumul chej' bajche mi' bajñel ña'jtyañob. Jiñi cha'añ mi' su'jbeñetla ila tysi' ñuc bu tyejmpabu, jiñi indigenajo jiñuch xñaxañ xchumtyulob come tsi' pujsu i ñu'clel i ño'jtyelob.

Jiñi tyejchibal yic'oty i wi' ili lumal Méjico jiñuch indigenajob, come an c'ajbul chuqui tsi' meleyob i ño'jtye'elob, mi' lac q'uejl jiñi ñuc bu yo'tyot baqui tsij' ch'ajleyoy jiñi q'uiñijel, yic'oty baqui tsij' meleyob i yumuntyel, yic'oty baqui tsij' ch'ajpayob jujunp'ejl ña'jtyibalul cha'añ i weñlel i lumal, ma'añic baqui mi' mejlel lac ty'añ iliyi cojach tysi' lumal Méjico.

Méjico mi' ña'jty'añ cha'añ jiñi tsaj' i ña'tyayob jiñi junmojty yumulob tysi' pañimil, weñuch come che'uch ña'jtyubil i cha'añ jiñi yumulob i che'uch tsi'jbubil tysi' jiñi ñuc bu juñ i cha'añ jiñi lumal Méjico.

Jiñi cha'añ, jiñi yumul tysi' Méjico mi' ña'jtyañ yic'oty mi' yul chej' bajche' iliyi.

1.- Jiñi tyejclum jiñi indigenajob mi' mejlel i ch'ajpañob chej' bajche' mi bajñel i wajchoñ jiñi yumob come che'uch mi' yul jiñi ty'añ 3, 4 y 5 tysi' jiñi ñuc bu ty'añ tsaj' bu ch'ajpayob jiñi junmojty yumulob tysi' pañimil, che'uch mi' yuptyel ila tysi' tyojlel indigenajob come che'uch tsij'jbubil tysi' jiñi ñuc bu juñ i cha'añ M'ejico. Cha'añ chujñ junmojty mi' yajñelob yic'oty cha'añ mi' tyajob i weñlel.

2.- Jiñi tsij'jbubil bu ty'añ tysi' 26, 27 y 28 tysi' jiñi ñuc bu juñ ña'jtyubilbu i cha'añ jiñi junmojty yumulob, cha'añ pejtyelel chuqui aña i cha'añob jiñi indigenajob, chej' bajche' jiñi i lumob, chej' bajche' yom mi' bajñel cujñty'añob jiñi i lum yic'oty pejtyelel chuqui aña tysi' tyojlelob, ma'añic mi' mejlel tysi' chilbentyelob ma'añic mi' mejlel tysi' sajty'el, come che'uch tsij'jbubil tysi' jiñi ñuc bu juñ tysi' lumal Méjico, chej' ja'el ma'añic mi' mejlel tysi' tyicñuñtyelob yambu jiñi ch'ujmulob bu tysi' tyojlel lac lumal. Come che'uch tsij'jbubil tysi' ty'añ 27 y 28 tysi' jiñi ñu bu lac juñ, cha'añ yom mi' yuptyel jiñi tyoj bu meloñel tysi' pejtyelel i lumal Méjico.

3.- Chej' bajche mi' mejlel jiñi albilbu tysi' jiñi ñuc bu juñ tsaj' bu i tsij'bayob jiñi junmojty yumulob, che'uch mi' tsij'buñtyel tysi' jiñi ñuc bu juñ yic'oty cha'añ che'uch mi' ts'ujctuyuel ila tysi' lumal Méjico, mi' q'uejlel tysi' ñuc jujuntyiquil wiñicob yic'oty tysi' pejtyelel chej' bajche yom, yic'oty cha'añ mi' weñ cujñtyuñtyel pejtyelel jiñi x'ixicob, cha'añ junlajal mi' q'uejlelob chej' bajche' jiñi wiñicob.

Wocolix la' wulu'.

Nueva York, uxlujump'ejl tsij'jc tysi' septiembre chej' tysi' 2007.

